

IIRAIBE SAN JUAN CUEGABE

Tercera Carta de San Juan

Gáyodo ñuefuenta úritimaci

¹Ja éicomedicue, ocúraimadicue. Cue izíruiga nabaimo bíbe cueticue. Bímie mámecei Gayo. Afémiena uáfuenta izíruiticue.

²Cue izíruiga ama, ori Juzíñamuimo jicáfiredicue áfedo nana o finócafuiái ñue móonaillena. O abí caimare náireillena jicádicue, o joreño ñue nífuenina izói. ³O ñúefuedo macáfirenafue dáarie ámatiaimona cue fídiamona, afe cuena iere ióbitade; mei ua onódicueza o jaca ñúefuedo macáfiredio. ⁴Ua ie baímo cue ióbillena ñede. Afe cue cacana cue jitótiai uáfue mo coméciidiaioi; áferi jamánomo ióbidicue.

⁵Izíruiga ama, o illánomo ite ámatiaína o canóllena figora. Ie mei oni jíainomona bite ámatiaína o canóllena jamánomo ñuera. ⁶Juzíñamui mámeceido gairídimaci uícomo íaioína o izíruillafue jino llotíaioi. Izire daidicue: Mai íaioi cano; íaioi jáilliruimo jitaica raana íaioimo ine; áfedo caimare íaioi jáilleza. Ua Juzíñamuimo ióbilla izói íaioi cano. ⁷Mei jira afémaci Jesucristo táijinafuedo jáizaidiaioi. Afe cánuana Juzíñamuína ónoñegamacimona llíñoñediaioi. ⁸Ie jira íaioi jitaica raana cai finóredicai, afémacina cai canóredicai. Afedo íaioi uáfuenta llúana canódicai.

Diótrefes fiénino mácafue

⁹Juzíñamui mámeceido gairífiredinomo cuegafue llube nauí orédicue, mei íadi Diótrefes cai ocuilla rínona óiacañede, íaioi cígimo úicofiacadímie illa jira. ¹⁰Ie jira cue jáiadi ie fiéni mácafue jino uáfodo onótaiticue, nana ie fiéni úrioinafue, ie táinofuerena caína uáitaoinafue diga. Ie mei afe baímo bitíno ámatiaína afémie llíñoñede. Afe llezica afe bitíno llíñoacadimacina rairuíllano, afémie gairídimacimona íaioína

jino jiude. ¹¹Izíruiga ámatiai, fieni onótarafuiaido jáiñeno iri. Ñúefue finori. Ñúefuena finódimie Juzíñamui ímie, mei íadi íaifuiái finódimie Juzíñamuina jaca onóñede.

Demetrio ñuera onótafue

¹²Nana comini Demétriori ñue úritiaioi, mei afémie ñue mácafue uáfori cíóideza. Dani cai nane aféfuemo ñue uai nabáiraimacidicai. Iemona uáfueña cai daiífirenana onódiomoi.

Uai Fuizájillauai

¹³Ona aillo daiíacadicue, mei íadi rabedo cúeiacañedicue. ¹⁴Ona raire cíoillena úiñoticue. Aféruido conima uiécomo eróicana úriticoco.

¹⁵Comeci caimare uái illáfuemo o iri. Benomo ite nabáiñiaí omo uai orédiaioi. Izire daidicue nágamierie coco nabáiñiaimo conima uiécomo o uáidori. Jae niie.